

Claudio RODRÍGUEZ FER

Coa súa branca palidez

She said, "There is no reason
and the truth is plain to see."

Procol Harum,
A Whiter Shade of Pale

Polos teus ollos vou
cara aos misterios
do corazón da noite
e das notas que se van
a onde te ameí antes de ollarte...

Carezo da sabedoría innata
de quen aínda non viviu
e non precisa comprender
o amor que non se entende.

Pero sinto que eu te amaba
cando non eras máis que po
de alas de bolboreta esvaendo
negras sombras no teu futuro rostro.
No rostro que me iluminaba xa
radiante coa súa branca palidez.

Noites en branco satén

'Cause I love you, Yes, I love you
The Moody Blues,
Nights in white satin

Noites en branco satén
nas que te amaba
antes de coñecerte.
Noites sen fin
nas que soñei contigo
antes de que naceras.
Noites azuis
nas que te escribín
antes de que puideses lerre...

Contigo non bailei, non cantei,
non berrei ámote.
Mais aquelas noites que te amei
e que nunca chegaban á súa fin
son os días do futuro pasado
nos que me amaches ata o final
e nos que ao final nos amamos.